

古支巧慶書

卷五

南齊書卷之六

1

古丈坪廳志

光緒丁未年春
仿鉛字聚珍版印

古丈坪廳志序

古陽毗連溪洲，先秦時共隸黔中一片土也。峽仄箐幽，其古之沙場乎？或曰：荆楚於春秋爲強國，率師襲巴，滅之。巴子殒也，昆弟五偕奔五溪，分長溪蠻。古陽一隅，無溪之水合焉，疑卽昔時割據以稱雄者。虎嶺諸峯，峭壁摩天，雲峰吞吐，試凭崇椒而望焉，孤城如斗，環抱清流，而邨寨櫛比，歷歷在目。擊瓠之遺踪，猶有存者，惜石不能言，末由雪其誣耳。其地偏俗，紅苗花裙毳被，銀珥金環之倫，往往嘉會良辰，引長吭，將衆音，訶呼烏烏，或跳月而前，與邊氓雜居，而耦俱無猜者，非是干羽所格之種類耶？第其性獷悍暴戾，以金革爲衽席，自漢唐來，畔服靡恆，言語贅幣，不達不通，民生其間，部落繁滋。

彌望如林、攘攘熙熙、老死於蠻烟瘴雨間、惟安其木食卉
之天而已、抑奚有文物聲明、足備太史輶軒之采耶、

昭代

列聖相承、重熙累洽、文軌大同、彼四夷八蠻五戎六翟七閩九貊
人民胥入版圖、或且叩關頓顙、恐貽防風誅、下逮蜎蜎蠕蠕
凡有血氣者、莫不發育煦嫗、盎然於太和翔洽之餘、僉曰
帝德之如春也、矧蕞爾岩疆、皆屬

朝廷赤子、其漸摩尤易易也乎、顧自歸流、設官廳治、原隸永順
府、至道光三年、改置撫民同知、其羅衣諸保、案牘則躬司之
而學校錢糧、仍歸縣治、文教覃敷、迄今多歷年所矣、獨怪撫
是邦者、每托之清靜無爲、與民隔閼、其實蔑視僻陋等諸、

鄮之無譏甚至銓授是邑而故違之意以爲夜郎絕徼不
辱漢使仍鄙夷而膜置焉不屑布文翁之化進喬野以詩書
也緣此屯蒙其運而狂獠猶昔間有一二達官聲勢烜赫然
稽厥功名所自來則皆出自長鎗大戟中未聞繡虎雕龍文
史足三冬堪以典型後進者嘻孰司風化忍令伊川生野祭
之悲而杞子之終卽於夷乎是甯非司牧者之責與余以爲
扶輿磅礴之靈不擇地而鍾十室之邑必有忠信移風易俗
一視良有司之治具何如耳昔者武城單父爲魯下邑然
化普絃誦鳴琴奏績焉卽吾子亦欲居九夷而化其陋矣
牛刀一割善治蒸蒸日上易使效可達之天下也豈獨一邑
然哉觀於楠梓生而翹秀蘭蕙茁而騰芳我民父母可使入

而不如物乎歲丙午董君奉檄蒞古陽下車後勤恤民隱百廢具興上體

宵旰焦勞教養撫綏俾侏僂而椎結者沐浴清化盡躋諸仁壽之域而其心始慊也三年有成之效余將拭目俟之矣董君良吏矣哉且夫簿書鞅掌則鉛槧必疏撫治勞心則纂修不暇仕優則學吾聞其語矣而董君於公退之暇獨能表揚聖治勒爲信史用彰王會大一統其用心懇摯過人遠矣亦何嘗菲薄斯民哉特是來函有云博學能文者無力聘延而彼都人士又正如吾子修魯史游夏莫贊一詞遺紹旁搜獨仔偏撰爲文數十萬言僅兩易階堂而書成視彼研鍊京都動輒十稔此才何可以斗量哉余不敏承乏永郡與董君爲僚

竊喜其徵文考獻學擅三長而馬工兼能枚速也試按志以稽覺提要鉤玄有條不紊始輿圖次建置所以暢

皇靈重制度也次民族次物產所以固邦本利器用也又次以評災人物終以藝文而於是知政治之得失與教化之盛衰焉益復不憚煩勞附有彙說紀略等編誠哉他日名山物可信今而傳後董君不朽矣憶余去冬來守是邦道經辰沅值河水之落也舍舟而陸嘗升高而眺石保之墟見夫岡巒雜遝溪澗潏汙穆然思當日金戈鐵馬蠻觸戰爭欲詢前事而於老皆無存者蓋天下之平久矣第念其民之罹鋒鏑疲輓輪困流亡者求一夕安不可得何幸百餘年來厚澤深仁浹於荒徼蚩蚩者永沐休明之雅化桑麻雞犬畊鑿相忘以世其

業以長其子孫而豐豫之象有加內地焉何問乎有苗何分乎土著哉又得良有司如董君者問其疾苦而納於軌物勉以忠義而識所尊親既富方穀其在斯乎余且傾耳而聽豈壘之謳歌也民苗何幸而如上春臺乎然則斯志告成將以誠民阜物簡俊礪頑爲邊陲臻上理而煥文明胥於是乎在矣奚翅爲董君幸將爲古陽之民暨後來撫此土者幸也用是竊自勉亟籌所以保障吾民之方而勤宣

上德也夫董君嘗以序問余不獲辭爰誌其崖略於簡端亦想見車書之盛駕漢軼唐云是爲序

賜進士出身翰林院編修署永順府事保送湖南補用知府議叙加一級紀錄二次許晉祁拜撰

花翎知府銜署古丈坪廳撫民同知董鴻勳用稿伏求

鈞政

賜鴻文冠首

古丈坪廳志序

史家重作志馬班陳范而下惟廬陵或能之而郡國志乘爲尤難
天地人物之所綱風俗政事之所紀蓋之萃之而都於一篇固一
方之史記也自郡國莫不有乘斯漸濫而漸易矣頃者

朝廷方興學立學部設編書局下直省郡縣徵編鄉土志爲小學
教科書梁萬權守永順竊以爲一郡之鄉土志必待縣書先成而

後作而後纂簡疏密得合於教科書之用迄以縣書久不至郡書
因亦不能成輒毅然欲併縣書目爲之然鄉土志之取材則必資
於志乘古丈坪廳無志乘鄉土志無所從出郡志之於古丈坪
焉弗詳惟於永順縣志中求得輯畧一篇而已丙午六月董湘船
同守下車古丈坪議立

孔子廟堂設中學振農業譙曠政浚河渠陳列爛然次第將舉凡
所爲興養立教者亦既至矣於是有創輯廳志之事馳書謀索郡
志郡志板燬存孤本嚮者借之士家則既歸之且其書略於古杜
坪乃爲借得縣志之輯略報命既而以序例來示則綱舉目張燦
然而備釐然而善也夫地志良史之難事已而古丈坪廳志又特
別有數難焉竊據千載若通若閉史家事實輿記風土通曰溪蠻
不能大別人物山川或難專屬鉅者弗考細者弗知古無所信其
難一也設廳爲治實劃邑地人民社稷亦既專城而學校未分監
獄未立前此忽忽遂如疣寄乃至志乘亦附縣書前無所因其難
二也苗蠻樸塞山谿險阻名跡不至文詞遂微舊德先疇紀述尤
畧文獻不足杞宋無徵將及芻蕘懼雜野語旁無所助憂憂獨造

其難三也、攬籍綜務、訪事主文、若爲路資、若爲館粢、若刀若木、若
葦若竹、羣才羣事、不糜而費、士家多寒、民俗習吝、歟無所出、經營
實艱、其難四也、總此四難、雖有良吏、不能爲力、宜其設廳二百年
而無志乘矣、顧分民分地、烏得無志、不審夷險、次瘠、不察風俗、利
弊、何以撫蠻、何以圖民、向之守土者、無此議、邦人士亦無此議、忽
焉而若忘、此則同守序、所謂若有若無之一証也、改宋之始、至於郡
也、見夫一切文牘、徧屬邑而不及於古丈坪、大異之、乃命吏逐事
移牘、關會然以同官、故則亦但關會而已、不能求必行、今同守序
爲皆改宋所已爲而獨不能及於古丈坪者、平日疚愧讀若有若無
之論、乃大悟也、假使早得與同守共治、改宋爲幸不已、厚哉夏秋間
以母病三上書、乃得假而復爲士民所留、同守適來、索序方以治

盜未應命歲除受代乃質直而言之固亦文例也抑蔡欲修郡志
一年而爲用人籌款所難而同守易之同守其亦偉矣茲時書未
成以序論知其書其必事繁文省在歐陽唐書五代史之間者歟
光緒三十二年十二月權知永順府事錢唐徐榮公倩譚序

古文坪廳志叙

國朝設府廳州縣循古諸侯而郡縣之制皆司土地之官親民之吏秦漢以來言治者必曰守令賢否府廳守也州縣令也廳曰丞而擬於守有府制焉故今順天之四路廳奉天之鳳凰廳四川之叙永廳河南之浙川廳皆直轄州縣多者至七八屬州夷於縣久故雖有牧稱而擬於令原始制度因時移易直隸州不屬府而統縣故又有府制焉廳不直隸布政司巡道而隸府又有州縣制焉當事者就其地域之形勢與其政事利害之關繫意擬其制以上陳朝廷亦遂因之實無輕重於其間分土而治有民人政事之責爲古諸侯秦郡縣之任同爲民父母爲

天子守土尤同也古文坪廳在洞庭湖西南如黑子之著面然東西